

Oqaasiliortut

Ilanngussaq 1

Atsersuinermi najoqqutassat nassuiaataat:

1. Aqqit allattaasitaap imalt. allattaasitoqqap malittarisassa at najoqqutaralugit allanneqartassapput, soorlu Parnuuna, Parnûna, Najannguaq, Najánguak. Tunumiut Inughuillu aqqi taaneqartarneri malillugit allanneqarsinnaapput, soorlu Ilaitsoq, Iddimanngiiu. Uiguusersuinerit, takuuk ilanngussaq 2.
2. Aqqit makkuusinnaapput: Singajik, Taseraq, Storch, Egede (naggatit siulequtitut atornerqarlersimasut).
3. Aqaatit taaguutillu (aamma naalisakkat) atinngorsimasut makkuusinnaapput: Nungu, Najaaja, Ikkuluk, Tuuti (Kunuuti), Ika (Nuka), Uka, Kaaka, Kartaava il.il.
4. Assersuutit: Broa, Søsta, Bendo, Jaaffiti, Iisaaq, Jaaku. Takuuk ilanngussaq 3. Qallunaat aqqi kalaallisut uiguutillit makkuusinnaapput: Marthannguaq, Rasmuseeraq.
5. Qallunaat aqqi, aqqit qallunaaraluttut allamiullu aqqi Kirkeministeriamut saaffiginissutigineqartassapput. *Palaseqarfii*t tamanna isumagisassavaat uunga saaffiginninnikkut: ITK-P-support@km.dk.
6. Nalunaarsukkat www.oqaasileriffik.gl-imi aamma Oqaasileriffiup 2015-imi saqqummersitaani ”Kalaallit Aqqi, isumaat tunuliaqutaallu” takuneqarsinnaapput. Aqqit akuerisaanngitsut Oqaasiliortunut akueriqqullugit qinnutigineqartassapput atsiinissaq sivikinnerpaamik qaammammik sioqqullugu.
7. Aqqit ittoorutaasinnaasunut kanngusutsitsisinnaasunulluunniit naatsorsuunneqartut makkuusinnaapput: Eqorsuaq, Unngoq, Amiimik, Aapak, Arnapalaaq. Aqqit anersaarsiornermut upperisarsiornermulluunniit tunngasut makkuusinnaapput: Serrat, inuuneq, qilak, tussiut assigisaallu.
8. Aqqit amerlavallaarpata tamakku allaffissornermi akornutaasinnaanerat eqqarsaatigineqarpoq, soorlu kinaassutsimut uppernarsaatini, passini assigigisaannilu immersuiffissat eqqarsaatigalugit.